

張文定公靡悔軒集

張文定公靡悔軒集卷之八

碑五道

徐州洪閘碑文

我

國家肇闢寰宇薄海內外咸入朝貢

成祖文皇帝定鼎幽燕大濬元會通河漕東南之粟歲
數百萬石入于京師百五十年罔或梗滯南自江淮北
至海口二千餘里其間山東諸泉汶泗諸流恒不足以
濟率賴黃河入之然後水勢充盈漕舟利焉迺者河自
趙皮寨南趨亳泗而不復經徐徐州小浮橋斷流徐昌

二洪隨亦告竭咽喉既梗

當宁軫憂於是兵部侍郎石岡王公特承

簡命輟樞務以來既至會同總督漕運都御史約菴周
公總理河道副都御史淺齋郭公暨巡按直隸監察御
史楊君勉學巡鹽御史胡君植相度諮謀以河勢湍悍
未易挽回而濬泉導流之餘畜防宜密乃於境山鎮翠
柳亭呂梁洪迤南置石閘各一又於高家灘諸處置壩
者二爲品字置順水壩者二板閘者一以節束水勢而
所謂翠柳亭者南于徐州洪數里下流之衝尤宜瀦遏
然河深且廣施功加難則擇才鳩工務底堅緻蓋於閘

兩傍爲石墩高各二仞有半廣厚倍之墩左右爲鴈翅
長各六仞有半皆糜秫灰石灌而索之而又貫以鐵錠
聯以鐵鎖閘底布觀石皆如之墩石下承以木板板之
下施以龍骨又其下大椿木深入泥中凡萬三千有奇
閘附東岸西留月河橫以土壩長爲丈五十有六廣爲
丈三高半之經始于辛丑八月二十五日迄工於十一
月二十日凡用夫一千名有奇銀五千二百兩有奇率
取諸河道備用之資不絲粟于於民云董役者徐州同
知某蕭縣知縣某而丘備副使屠君大山王郤都水主
事陳君大奎某君某則協贊謀議稽督工程以相成茲

績既乃相與謀曰維茲漕河通圯

國家之命脉關焉石岡公承

上命長慮博詢塞罅緝遺以紓困目前而津潤于無窮
其翠柳一聞厥功最鉅不有紀載曷以示遠乃使來請
予雅知公諾焉而系之詩曰

皇明御宇都幽燕遙控儋崖羅蜀滇諸夷海外星宿聯
梯航玉泉紛雲烟京師供應攢蝟然歲漕加前贏億
千黃河效順既有年一日他之功遂捐呂梁之流十
仞懸儻忽乾枯如石田巨纜千艘膠不前石岡司馬
勝仔肩公口有澤腹有泉地軌天衡歸節宣閘座龍

蟠壯且堅激湍收拾無遺洧江淮直北通長川舟航
如羽來翩翩刻詩穹碑翠柳堞不磷兮公德綿綿

太子太保刑部尚書兼都察院右都御史洪公

生祠碑文

正德庚午春盜發川陝湖洛間

上命刑部尚書洪公兼都察院右都御史總制軍務時
湖寇丘仁楊清輩焚劫湘潭諸縣趨岳陽而西所過殘
燬殺傷官軍無算焚漕舟數十艘聲言欲順流攻留都
其勢張甚公既得

命兼程而行遇賊于沔陽公止用永順土兵百人令鄉

兵二千人皆爲土兵飾躬率進戰遂生擒丘仁戮餘黨七十餘級次日攬楊清叢菁中曾不彌月而湖湘蕩平乃進至襄鄖襄兵集糧分遣麾下授以方畧督勦諸路斬獲萬計蜀寇藍五鄢本恕等盤據險阨狐鼠進退蜀漢爲騷及是則屢經挫衄循山而遁公計其行程十月當至鎮坪刻期迎戰殺賊一萬三千餘級或請乘勝追之公曰賊因糧于野而我軍以鎗重盤旋其後賊不可得而我軍困矣乃命民近者入城遠者大寨堅壁清野弗與戰賊至無所得日益窘困則詐稱聽撫將緩我師以遁公遂以計生擒首惡二十八人餘黨一時勦獲殆

盡竹溪縣東連漢沔而去鎮坪邇甚故其民德公如父
母然公寬仁優裕不以濫殺要功故其功不甚見錄公
亦不以屑意遽以老乞歸公錢塘人名鍾字宣之今年
壽

容色充盛筋力不少衰竹溪之民念無以報德
則相與生祠公廟既大邑之熊貢士某謂其鄉人曰公
竭力以衛我會不勩我而底是績以寧我父子廟以祀
公固將圖無窮焉而昭德示遠非文不可乃及其耆老
某輩走告于撫治都御史今工部侍郎餘姚陳公公曰
吾鄉賢達也固宜紀遂以命予系曰

事有出於求不可以久譽或集於勢不可以據若洪

公者功成不見錄於時而民則祠之其祠之也不於公臨蒞之時而于其退休湖山千里之外之日於乎是足以昭其實也已矣

臨清夏尚書公遺愛祠碑文

我

國家憲

天膺民情選牧守百六十年海宇寧謐民物阜康守令民功多可稱述若今贈太子太保禮部尚書兼翰林院學士象峯夏公之守臨清則其焯焯尤著者也臨清際畿甸當要衝而軍民雜處治之爲難公視事甫三歲而

其民至今皆慈父德之紀之郡乘祠之名宦猶未足也
晉顯于巡撫唐公請專祠以答遺愛既得請則合郡惟
勤若公復生于時憲副齊君瑞卿趙君某及吾宗叔東
沙先生相繼提兵于茲土捐贖金命州守馬驎龙材鳩
工卽清源之濱俗所呼觀音嘴者而建祠焉祠成州守
以士民之意告于我宗叔礮碑請予文予竊聞之夏公
之遷臨清也逆寺方作威中外惴恐鎮守者怙以鴟張
誅求少不遂輒中以他事破其家公力抗而折屹屹如
防巨浸弗使橫潰授籍市肆令之曰凡中貴有取乎爾
不問多少悉記之吾將以

上聞也。勢乃少戢。嘗欲督學官諫。弗聽。則擲其杖于地。麾之使出。免守備。武臣越職受詞。以圖賄于下。公建議。竟以冗員革去。弘治乙丑歲。大旱。走謁諸神祠。厲聲祝曰。吏苟弗恤民。其吏之罰民。則何辜而濫。茲酷爲明日。澍雨大降。鄉飲有濫。賓席者。庭諭而黜之。士論稱快。州有獄。檢勘者。乘公卧病。輒有所左右。公怒。力疾而出。獄竟。辯明而疾用。是益篤矣。卒之日。棺殮不具。王憲副某爲之。周卹歸其喪。公剛嚴有大節。而治民以寬。節財省刑。視之如子。每屬其耆老。諭以德意。恩信孚洽。訟日以簡。公餘則詣學舍。爲諸生講解疑義。砥礪之以名節。

二云夏氏貴溪之冠族也公生而瑰偉不倫自入太學文章器識已歆動時輩卿大夫子弟執贄登門賴以成名甚衆舉進士節推嚴州辯奸折獄老吏見推讓平生忠誠獻畧宜得大用乃僅于一州而止而公少保桂洲先生卒致大佗以禮樂贊

中興之治公之澤始覃被天下而崇階殊錫賁及身後蓋民之情所願於公者而天則償之文中子曰三代之興諸侯有社稷焉兩漢之盛牧守有子孫焉夫國之典章原乎天而天之視聽因乎民牧守有子孫是故知天心之悅也天心悅是故知民生之厚也民生厚是故知

國祚之昌也體天惠民莫厚於公而民之致思天之施報亦莫厚於公天人感應之機何其著也臨清水陸之衝舟車日集以百數四方之士登斯祠也孰不感激思奮捐其私而公是急乎然則

國家於我公之德將百世賴焉獨今日哉乃爲之詩以暢民之情俾歌以祀公其詞曰

薊溪口兮龍山陽仙巖萃兮饒江長委靈秀兮公之身配河嶽兮騰風雲風洒洒兮清塵雲屏屏兮澤洽我民公逝矣兮何方孰懷公兮可忘敷筵兮授几肅父老兮懽稚子駟蒼龍兮青雲蓋衣金麟兮白玉帶

方顧我兮連螻忽颺馳兮雲端喜復悲兮欲挽以旋
喧鼓簫兮酌清源清源兮洋洋曾山兮蒼蒼公眷言
兮翱翔或臨于墉兮或稅于桑我民報祀兮百世是
虔於赫公聲兮寵光日駢四方之士兮其來如川瞻
拜公祠兮虞公自天

郡侯張公去思碑文

孝宗皇帝愛養人才庇于黎庶故士思自效民安以康
時博羅張公爲監察御史有聲朝著間

上即位之初年儉克竊柄肆其暴嫉雩威于天下天下
守令惴惴慄慄莫知所出乃甘以百姓脂血追禍于朝

夕而民用大困一時人才剝喪殆盡張公亦免官家居
上既獲罪人

詔磔于市三日凡昔之被擯斥者漸起復用一時翕然
勵厥猷爲而張公之守吾四明聲績尤著公名津字廣
漢始至吾郡下令戒民毋相鬪訟喻之禮義務爲安養
生息事無細大舉自有措置然不爲米鹽紛更嘗曰法
必有弊非法之罪變法則弊益滋仍而採之斯善爲治
者僚屬承式罔不惟度嘗燕鄉大夫薦羞簡甚而情意
款洽酒酣乏投壺取瓦罌爲壺投之以箸其自奉儉薄
類如此故能塵視金玉俸不待餘稍贏則以修學舍助

一切公費至其視民財猶已屬髓搏節愛惜纖芥不遺
承饑荒凋耗之餘曾未暮年而民大裕待士以恩禮或
謂公者苟其德可敬不以其人布衣或忽即干以私雖
大官勢人面折之不少容歲旱齋戒將出禱吏告公曰
天井之山有靈湫焉嶮巖多叢棘莫可或至舊去湫五
里而壇維歲禱之地公不從冒炎暑援棘蘿詣湫所而
禱焉越一二日天陰微雨水泛湫湧溝澮爲溢日本之
夷以朝貢爲由販易吾土邇歲以來獲利既稔乃數至
至則民大騷公曰曷其使外夷盡吾赤子悉繩以國憲
罔有攸貸經畫供億民不知擾夷人習聞政聲見公即

出外身厚...
怖悸曰天人也。明俗以元宵張燈，至是星橋火城，昭揭頌語，五邑傳誦，騰播列郡。郡中父老每藩臬臣至，相與羅拜車下，願請借寇於

朝已而山東寇亂，久弗靖，當道擇賢有望者，司旬宣之職。竟遷公山東參政。公行之日，小民遮道啼呼，擁樹牽挽，屢脫遂持去。又老番汰公亦爲汰，下明日將懸履郡門，公竟遣人追還民，益大儉。公至山東，未幾寇靖，擢僉都御史，提兵大江，德勳祿，佗日益顯。天下將被其澤而吾郡獨若嬰兒失慈母，惘惘不能釋。於是慈溪省祭官表定等二十餘人，欲大禪縣治東旅泊亭，謀諸鄉大夫。

少參表公壤輩以文屬予用係民之恩而垂後人以法
乃作詩曰

相古哲王守令是擇布厥德惠厚下安宅用匪其良
營營爲已妻妾之奉官室之美國受其殃民蒙其害
怨讎繁興身名俱敗我儀圖之惟義斯利未暇遠引
試言近事蠢彼逆賊恣睢四方歛民脂膏積如崇岡
惟庶覓頑狐營肺腑懋恐厥心順以自固一旦禍旋
爲齏爲粉孰能損人而不自損吾郡罹茲困于辛螫
饑饉仍臻凋傷已極顯允我公克開民艱民之煖矣
我衣寧敝民之飽矣我食寧菲奸婪屏息頌聲四起

維公惠民不有其躬身名日顯誰則如公公惠我民
亦甫逾歲公去而思曷其能既慈湖之東刻此銘詩
凡蒞吾上庶幾鑒之

知奉化縣朱侯去思碑

正德戊寅冬上海朱侯以進士來知奉化甫再暮政平
教興當道疏于

朝謂侯才優厥治徙知餘姚既去邑民思之致仕教諭
周君槐以文來請將刻石以慰其思惟奉化在東海之
濱土磽而僻其民健爭而俗多鄙素號難治侯至集民
于廷訓之勤儉勵以賞罰每日昧爽坐堂上吏抱文案

咨稟公事必詳審以行吏憚其嚴明莫得容其私凡爭訟者使兩輸其情徐折以片言皆俯首心服無一人稱寃者先時縣中惡少三五成群挾妓飲博資釐則相引爲寇攘侯旣明憲禁仍多方緝訪梏示通衢自是好豪惴惴莫或旁午民有徭役則預審戶口上下之差載之冊籍而輕重與之無弗均者凡詭寄虛縣隱占灑派一切膏腴前刷殆盡尤鋤強梗恤孤釐振窮周乏務竭其心流移復業戶口日增縣舊無社學欲置無所乃令於衆有能倡義出地者償其直縣民王文錦卽以其田六畝易地于學宮之西以請侯喜捐俸營建延師集徒間

開風動每月朔望詣庠校講解經書剖析義利士皆感
奮選其尤得十餘人朝夕課試給之膏燭以厲其志明
年周生璉遂舉于鄉餘復以學行聞凡昏喪奢靡置酒
作樂及俳優蠱惑婦女嬉遊害禮傷教之習皆嚴禁必
罰俗用丕變侯舉動有則雖當造次無疾言遽色絕苞
苴杜請托服食器用率取諸其家所食于官者自薪水
與皂之外無資焉時予以疾自湖湘請告歸鄞鄞奉化
隣邑侯之政績與民之思之也得耳熟焉嘗竊念封建
汰廢惟漢爲近古慎選守令久任以考其成功當時循
吏往往足稱後世朝拜夕更遠者纔四三年士之治民

或至矯情大旦夕名譽苟得遷陟以去足矣不復顧民
之苦樂爲經久計民視長吏亦如過客甚者怨憎祝詛
不啻若仇讐然矧復有去而思者乎若朱侯爲令動根
諸心不徒私一身爲旦夕計嘗慨方勝會通二稷灑圯
日久水利不通民困艱食庚辰之歲朝覲歸仕方銳意
疏築以廣灌溉而徙劇之命下矣推侯之心邑其家民
其子也天下豈有父母去其子而非思者邪侯名豹字
子文濬之上海人正德丁丑進士治餘姚如奉化未幾
擢監察御史清茂江西所樹大未有涯云系之詩曰

在古哲王憲天之仁建國親侯維以爲民後世守令

於民最親厚下安宅曰惟得人其人如何仕匪爲身
治官如家維以事君居靡赫赫施也循循明察烏攫
嫗煦以恩催科則拙撫字恒勤厥心允勞厥圖維久
澤深以遐名垂不朽時異古今人罔先後焉有嬰兒
弗慕慈母大洋之涯危乎鮪崎候來蒞止曾不卽夷
力稼崇文訓言惻惻敬寡屬婦我政胡私有妨于苗
是耘是耜化如蜀郡利比芍陂所在民樂所去民思
史冊攸書惟侯嗣之穀陽善政施于少府美哉次公
卒登台輔侯陟內臺風清區宇所繫民思豈惟茲土
茲侯發迹澤專思苦樹碑豐宮永配卓魯

墓碑銘三道

明故資善大夫太子少保吏部尚書致仕贈光祿大夫太子太保謚襄毅許公墓碑銘

天將隆一代之治必生正直敦固魁碩之才以障頽興
圯威德被於夷夏而慶澤流於子孫壯節完名豐功峻
秩又以照耀欽動於無窮若河南許襄毅公擅極盛於
今日固惟天意有在而其自力以動天者則殆非一日
之積也公墓在中條黃河之南涯當嵩華之間大學士
李文正公既銘諸神道而南于墓若干步爲關洛衝途
過者率延佇瞻望不能去於是公子少保吏部尚書松

臯先生復樹碑其地以慰過客之思而屬文於邦音謹
叙其大畧而系之以詩公諱進字季升別號東厓舉成
化丙戌進士擢監察御史巡按甘肅山東舉刺無所避
先是都御史陳鉞附太監汪直妄殺人昇陞賞御史強
珍劾直逮繫詔獄公率諸御史論之珍謫戍公奪俸三
月直又聽讒

奏逮總兵李震百口坐以謀逆公以冤聞得釋而直怒
滋甚乃以章疏字訛

秦公被杖幾殆秩滿九載擢山東按察副使監鄉試事
有私貴家子者執不從有武官子懷金挾一儒生飲

于酒家其夜被殺有司疑生所爲生不勝拷掠自誣服
公意酒家殺之乃檢商曆見其以殺之翼日市布數疋
一訊大辨弘治戊申遷廣西按察使尋擢都察院右僉
都御史巡撫大同贊理軍務會北虜入貢外黠百端公
悉心經畫前後上五十餘疏隄備整密而遇以恩禮虜
卒畏服劾太監石砦不汰砦誣公擅用旗幟降知交州
府甲寅遷陝西按察使西陲告急復

命公爲左僉都御史巡撫甘肅吐魯番世讐言哈密遣部
酋逐其王入據其城因被求爲王公與都督劉寧輩設
方畧調夷兵深入二千里直抵哈密奪其故城城中人

尚餘八百劉寧欲盡屠之以益其功公曰戮脅從何以
懷遠且得城無人城誰與守乃止丙辰以功遷右副都
御史巡撫陝西法令峻整權貴歛戢

召爲戶部右侍郎刑部主事鄭岳下獄非其罪公疏白
之庚辰虜入大同

命兼左副都御史提督軍務與平江伯陳公銳出師進
剿陳多携貴游子弟號爲衆隨覲幸功賞公痛爲裁抑
爲近習所不悅已而劾奏總兵官畏縮玩寇有

旨以公擅劾將官不與監督總兵同議遂令致仕歸數
年廷臣論薦數十疏乙丑

召爲兵部左侍郎督團營兵馬進尚書

賜蟒衣三襲正德丙寅

命侍經筵因上言請勤

聖學戒逸游改吏部尚書公取先節行後才藝而於
抑奔競杜請託尤嚴每銓選考畢卽以名第量所授官
職判定卷面雖有貴勢請托不得復爲上下益部中至
令傳以爲法劉瑾之竊柄也素服公清嚴不甚撓公政
有忤公者諸諸瑾瑾不能容會有署員外卽陞署郎中
者瑾謂非制請令致仕又以嘗薦雍泰爲公罪除其名
而怒猶未解措捩茫昧將重害公事未竟而瑾敗

朝拜用直者復公官仍致仕而公已卒矣贈公太子太保遣官諭祭

命有司營葬事然謚典未頒輿情不平章

奏屢上莊自格不行數二十年而言者不已至嘉靖丙戌禮部尚書席文襄公上疏極言詔謚襄毅公甌岸莊重人望而畏之至其誨掖後進持身治官之法平正簡要士有佩之終身者性孝謹嘗承嚴訓槿指出血後每舉指示人輒感泣不已事二兄禮意不替所著有憲臺奏議平番始末東涯稿生正統丁巳五月初三日卒正德庚午八月十八日壽七十有四以辛未二月廿一日葬

夫人張氏生子詔領鄉薦早卒繼夫人高氏生子誥舉
進士擢戶科給事中改翰林院檢討累陞侍讀學士國
子祭酒南京戶部尚書次郎少保名讚舉進士擢監察
御史改編修累陞戶部尚書改吏部加少保兼太子太
保記 詩前軍都督府都事詞舉進士累官南京大

理寺寺丞論

曰誌者側室程氏出也女三壻曰按

察使楊惟康普曰利光祿寺署正趙忬孫八儒領鄉薦
次佺備佩僦借位饌右軍都督府都事女孫二公高祖
行五曾祖信皆不仕祖實安定縣學教諭考聚皆以公
貴贈通議大夫戶部左侍郎祖妣焦氏妣何氏皆贈淑

人後以少保貴并公三世並贈光祿大夫太子太保吏部尚書祖考妣暨公配張高二夫人並贈一品夫人許之先周武王封四岳伯夷之後文叔于許遂爲姓唐宋以來世有顯人元兵馬都元帥威西征過靈寶愛其風土遂居焉靈寶之有許氏自茲始公剛方正大之氣獨稟於

國家全盛之時而見於豐豫多故百挫不回之日不惟享祿位名壽以終而子孫保之久而彌盛人無智愚遠近亦愈久而不能忘焉此其可以容心得哉乃作頌詩揭以示之其詞曰

景運重熙河嶽氣完鬱律磅礴公稟其全如山如河
氣貌偉然論議湧發志操貞堅

國有大艱輒公是寄公曰在予治如家事剪亂興滅
折萌塞兌九邊雄畧允矣勞勩見義必爲匪身是圖
嶮巖萬狀惟吾坦途秉政銓曹善類是扶元氣是護
群邪興妬完璧以歸卒執予侮古活千人子孫蒙祉
公所全活殆萬生齒屹屹壯節振頽起靡淑我人心
永以不死植德孔覃穫慶胡埃

皇朝立賢百七十祀屈指數姓尚書父子公位冢卿
纘維厥嗣南北司徒伯仲偕止凡今宦族孰媿其美

世翊

邦家其來未艾於赫公休於昭帝登晉翼華挾翼河洛
交會過者必瞻公墓在斯

明故通議大夫南京工部右侍郎贈禮部尚書
謚文毅黃公墓碑銘

弘治辛亥六月十七日南京工部右侍郎黃公卒于官
其子工部主事備適以公事至扶喪以歸計聞

天子賜祭命有司營兆域于委積山之陽先嚴除二日
葬葬四十年其孫南京禮部右侍郎縉手狀行實以墓
碑來請予始在髫髻仰公之遺風而辱知少宗伯最久

且深不得辭顧方領曹監又奉

命板刻二十史不少休暇既乃遭家艱以去蓋自受少宗伯命凡三年始克爲之謹按狀公初諱耀字孔昭後以字行更字世顯號定軒晚號洞山迂叟其先有諱緒者避五季亂自閩遷黃巖之洞山歲久族蕃蕃人稱洞黃曰與庄以孝義聞生尚斌剛直不阿楷模鄉邦生彥俊第進士爲兵部職方主事有賢名二世並以公貴贈南京工部右侍郎公年十四自京師扶母金夫人喪歸葬祥而返道聞職方公計一哭輒死翌日乃甦既終喪家貧力學宵晝不懈稍倦手書姓名繫之以自勵歲歛老

婢治糶糶雜芒糶以進從容揭芒食之而易梁以食其
弟妹執友進寧守賀法舉爲松溪訓導不果笑曰士夫
仕進當藉力於人耶夫順庚辰舉進士授工部屯田司
主事司多積垢稍爬刷之遂爲同官者所嫉嗾悍吏構
之下獄數月事白彼坐落職而公顧用是起名遷都水
員外郎督造幣江南鄉人仕其地者有所饋遺雖尺帛
必謝卻之會吏部文選官坐事盡逐召改文選尋遷郎
中凡天下州縣地方善惡政令繁簡人才賢不肖極意
蒐訪耳注籍記罔不周悉間涉請託則未嘗少徇每公
退客至輒延見詢訪無倦意或謂當遠嫌則曰今諸司

考語徂其直者十不能四五吾復無以盡吾心焉如用
人何且閉門孰若開心便於身而忽於人吾不忍也居
銓司十有五年惟守法執議以贊冢宰所不可用必極
力盡言雖不能悉沮比債事未嘗不服公先見也同考
會試有勢家子暮夜持百金私謁叱之不容見然終不
言其人既滿九載待次十閱月擢右通政督武職錄黃
又五年陞南京工部右侍郎時上役繁錢課不給貸之
民間公曲爲區畫裁省節縮償其逋以萬計有廢厰地
及蘆場十餘所爲豪右所侵奏復之司屬有管庫藏者
以餘銀數千來饋公怒將白其事慙而退厰中掘地得

銅鼎銅色如王亟命工刻文廟二字送置廟中俄而中
貴欲取以獻以文廟遺器而止有詔大臣舉方面公薦
樊先生廷璧章先生德懋時稱知人臺臣交疏請任公
銓衡而冢宰三原王公兩舉爲吏部侍郎欲以自輔又
數因會推薦之甚力俱不從而公遽已告終矣甲寅提
學憲臣舉入鄉賢祠春秋從祀

今上中興追念舊德贈禮部尚書謚文毅公好讀書性
儉素自奉如寒士而施予不倦以舊宅讓弟女弟貧斥
俸給之立義塾訓其族姓以遺田三十畝爲之助鄉有
葉仕冕先生者以古行聞言之有司列祀鄉賢編葺方

希直先生遺文復采鄉里前輩文詞爲赤城論諫錄及
赤城詩集板刻行世又據其行實爲尊鄉錄其所與交
如布政使陳公士賢刑部侍郎林公一鶚祭酒謝公鳴
治終始無間林公陳公卒皆爲撫其子或經紀其喪尤
精詩律所著有定軒稿若干卷配淑人蔡氏子男三長
卽備今贈通議大夫詹事府詹事兼翰林院侍講學士
次仕次佐皆天孫男五紹繹維約紛曾孫男十四承芳
承文承箕承孝承廉承武承德承仁承祐天承言承翰
承遜天承敬承禮玄孫男二公內行淳備施之家國洞
然純明無俟矯強力襄庶事而不爲詭隨峻出流俗而

不較非道光明正天而識慮深微剛勁果敢而與物無
競其知人之明好善之篤所謂優於天下非耶顧以忠
直不能投時好弗獲柄用慰天下望而賢如職方旋登
選部以光嗣先業少宗伯復以績學崇禮致知

王上將大受遠施以畢公之志正如王氏勲業不見於
乾德之末而見於景德祥符之間則何必身自爲之而
天之所以報公於是益有徵矣乃爲之詩俾刻之桓楹
而歌以祀公其辭曰

春申結士楚以疆後裔桓桓名漢唐派演天台稱洞
黃允文文毅揚其芳王雪膏懷金石腸威迫利誘誰

予傷銓衡歲久名益彰周爰谷度思無疆區別牝牡
兼驪黃天閑十二無遺良工曹建華何周詳奸墨愧
遁民胥康如公柄用天下望或嫉其正難其剛亦獨
何心真病狂天之定矣誰助勸翼翳異賢係煥存章遠
猷貞志吁難量委羽之山長發祥昔者逋公今取償
明贈奉政大夫大理寺右寺丞介菴魏公墓碑

銘

魏之先漢鉅鹿人也唐武進令政始遷會稽之山陰武
進之孫莫州司馬明復又遷餘姚之蘭風

國朝洪武初徙居鳳亭之許家山者則四川按察司知

事克明公高祖也會祖曰思聰祖曰脩齡祖妣陸氏吏部郎中孟良姪也生子五次曰璣配沈氏生公公諱鎧字孔文介菴其別號生三歲二親皆亡教育于祖妣以克成大而伶丁孤苦顛險阽危者屢性敏悟強記稟學於叔父珪讀書數過輒成誦且通曉大意授易肄進士業卒撓於單窶歎曰命也置之乃以鬻販游京師比歸於元

朝廷政令宮闕規制山川道途風俗人才能一一道悉之若久涉宦途者殺直爽豁美鬚髯善談論與人語未嘗向徇徃徃見歎賞悅服焉嘗應郡辟從事嘉興之海

蓋長法行怒與儕輩恒不協邑有馮姓者素良民也與
賊黨有隙攀入獄坐罪當死馮妻赴愬不得達公聞之
密爲檢狀果受誣力請於邑令單秀鞠勘釋之然自此
益爲儕輩所擠公笑曰何爲自戕天理一至於是且與
吾輩敝俗習以苟利祿縱得之如吾心何棄之而歸謂
室人黃曰吾生業如此兒女日益長當塞何黃曰殖生
不如教子公喜曰吾志也蓋公長子今都憲公之生也
夢有龍書戶日者復曰必大顯乃延師友購書籍悉力
教子雖傾資不計諸從姪少涉不善回誨之不悛叱之
雖爲所啗不恤也里閭或有所短長必造公公以理譬

曉之率愧服以去隣有張氏染疫人畏避不敢近公朝夕視之竟亦無恙痛父母早世賴祖母陸以立祀享必哭泣平居語及必與淚俱有二姊友愛尤篤比沒也哀痛尤倍常云公疾亟都憲適自外歸公喜甚既數日謂曰汝必酬吾志恨吾不汝見耳遂瞑時正德戊辰六月十日也距生景泰壬申四月二十六日壽五十七配黃氏生天順丁丑九月二十三日卒弘治乙卯五月二十七日繼衛氏生天順戊寅四月八日卒弘治辛酉九月十四日合葬于許山之東麓嘉靖癸巳

天子覃恩天下公以都憲公貴贈文林郎雲南道監察

御史丁酉都憲以大理秩滿贈公奉政大夫大理寺右
寺丞配黃氏衛氏並贈孺人加贈宜人子男二長卽都
憲公有本娶郁氏贈孺人加贈宜人繼娶柴氏封孺人
加封宜人次有容邑庠生娶江氏女一適宋朝相孫男
二長乾亨邑庠生娶朱氏太僕丞右岩之女次謙亨早
殤孫女四長適楊憲副之子庠生乾知次聘庠生楊申
餘未笄曾孫男一宗臯都憲公出撫河洛還浦携蘇稿
瘡震綏有方名績日益起間欲樹碑于公墓以故翰林
修撰韓君應龍所爲狀馳价示予請爲之文手書且數
至予觀魏氏之盛其緒遠甚而公之培護之力居多焉

其感通於天若持券相授受然則昭揭墓隧以風厲斯
世文惡可已哉爲之銘曰

公身帶耀氣激昂魏宗寂寂臨姚江陰德從來天所
昌于公豫擬高門墻浮俗胡爲喪厥良面目人也心
豺狼有隕于牢號空蒼耳聽煩寃如未嘗公覲其間
意弗臧撥棄名利如批糠辨誣伸枉願則償翩然乘
船歸故鄉亢宗與閭端可望溫溫胤子如圭璋傳霖
今日中土滂行見膏雲敷四方許山之陽勢翕張褒
封兩度輝崇岳鼎來未艾維
恩光天人孚假焯有常有或不信觀銘章

神道碑銘六首

明贈光祿大夫太子太保禮部尚書兼翰林院
學士嚴公神道碑銘

嘉靖己亥春二月

上冊大皇太子覃恩寓內太子太保禮部尚書兼翰林
院學士嚴公獲進贈厥考仰雲公光祿大夫如其官乃
述公行實授某曰嵩不佞實賴先公遺德與其訓言以
克有今日維先公沒二十有二年始以

詔例贈翰林編修秩文林郎禮部尚書石潭汪公魯爲
文表墓後十五年以

郊恩贈通議大夫禮部左侍郎越三年爲嘉靖癸巳
邁皇太子生

詔贈資政大夫南京吏部尚書迨今晉贈一品表皆未
之及茲以

制得樹碑神道願吾子嗣書之某念自弱冠從官保後
秘閣史局密邇規誨閱今三十年仰承公之遺餘義於
吾親蓋均焉惡得以不文辭謹按狀公諱淮字伯川袁
州分宜人會祖孟舉進士官至布政使祖璉父驥並
贈如公官母張氏累贈一品夫人公少讀書有用世志
弗就官保公生數歲輒靈異驕人公曰其成吾志乎躬

自督課不輟寒暑延經師屬生徒隆禮而優餼之異書
厚直購之至傾其資弗計鄉人群喧以爲狂忌者或計
散其徒以撓敗之而公意益堅奏上一親得其權有甘肅
必亟以進撫二弟體卹備至嫻族無疎戚有急赴之恐
後嘗曰夫陰德二者謂其冥施而不以裸耳故與人賀
易約取而豐與率以爲常或勸公修祠宇飾神像求福
笑不應里中病涉則爲之捐貲建橋無靳色焉遇事有
分辨好善疾惡侃侃無所回伏庶坐中面折人過人咸
憚之嘗扁其樓居曰仰雲蓋取閩適自况而澤物望諸
後云公自念方伯公謝世歷三世隱弗耀鬱積磅礴爲

日既久而所居又擅山水奇勝靈秀翕畜宜有待而發
天時人事意必有參相會者每用是自負或時對客言
之比其歿也官保公年甫十六已斐然動時譽旣而舉
進士高第入翰林累陞國子祭酒以至今官

明天子大制作大謨議壹以屬之敏應疾書會不移晷
文章事業輝赫今日而遠猷弘濟將大需公之遺澤所
謂觸石膚寸而雨天下以慰厥仰雲之心者殆又未可
量也公嘗言世人務殖田以遺子孫吾惟一經由今觀
之公之所遺與世孰多耶天性孝義居常述古孝義事
以風子姓多行善事而口不言及卒遠方游客寒士泣

造墓下瞻禮而去日相續由是人始知公有隱德多矣
公生景泰癸酉卒弘治乙卯年四十有三其年八月葬
祖塋之嘉林阡配晏氏有淑德贈孺人加贈泚人夫人
至一品夫人子男二長卽官保公嵩次嶽縣學生女二
長適沅州同知羅忠次適李煇孫男世蕃都督府都事
次世芳嗚呼書稱惟天聰明惟聖主憲彛彰之政福禍
之公其揆一也若公厚累弗食而委慶厥後崇階顯號
貴及三世斯天監不爽而

國典憲焉然則紀之宰碑昭示來世豈惟法制當然抑
亦天之命也夫銘曰

祐命方隆將興至理惟生異材而以豫擬維材克生
有開必先曰篤栽培于前百年於休方伯澤施未竟
靈崇再世公之侃侃我公酬世以直有濟於物
返一無迹廣覽遠期忱恂迪哲儲書集英義方有截
有嘉令子時維喬嶽燁燁文章雍雍禮樂

天子曰咨汝作秩宗式和神人以協朕衷對揚

皇休遐邇有煥隨孚曰深晉錫無算既徵道教亦弘潛
德孰殫厥謀如公燕翼魏魏鈴山兩川束之其氣鬱
崔爲雲四馳雨彼寰中若灑河海公德似之彌千億

載

明故管錦衣衛事驃騎將軍後軍都督府都督
僉事贈榮祿大夫都督同知陸公神道碑銘
嘉靖丙申秋八月二日管錦衣衛事驃騎將軍後軍都
督府都督僉事陸公卒

上聞悼惜命禮部諭祭者工部管葬域如制加贈都
督同知仍進其子錦衣副千戶炳爲錦衣指揮僉事管
象房專異數也其年十月二日炳葬公都城東六里屯
祖塋之次奉少司空蓉東吳公狀授予曰先公之墓大
司徒蒲汀李公實爲銘炳茲以

制將碑于神道惟吾子知先公敢以文請予昔視學湖

南嘗獲朝

獻皇帝至再竊見朝儀肅穆而知興藩之多賢也贈大
學士謚

張公時為左長史清忠有識鑒為予屈

指諸賢而必以都督公為首比予退居海濱值

今上龍飛聞公以直道淵識光贊中興天下爭相傳頌
則為之躍然稱慶宣昭久遠予之有心素矣按狀公諱
松字鶴齡別號介庵其先自唐開成以來族系繁庶散
居吳越高祖士亭

國初昔徙浙之平湖曾祖仲元祖軾父埤號菊庄世隱
其德毋王氏公之在娠也數感異夢生而穎敏不倫語

書過目成誦成化乙巳菊庄公以茂才應

詔克錦衣衛小旗携公之京舟艤江岸有物突起波濤
中公問何物菊庄公曰江豚也公應聲曰卽唐詩所謂
江豚吹浪夜逢風者耶公時甫八齡聞者異之弘治庚
戌菊庄公調興府儀衛司總旗隨侍

獻皇帝之國未幾卒公時年十五率弟檜治喪葬哀毀
如成人事其母王氏孝養備至旣承父役猶好學不懈
以明經應試有司

獻皇帝嘉其才召入內司房辦事奏授冠帶綜理細大
勤無愆違歷三十年如一日正德乙卯

今上攝藩政奏陞典仗辛巳

今上入繼大統公以扈從擢錦衣正千戶階武德將軍
贈菊庄公如其官毋封太宜人時太宜人尚在藩邸公
乞歸終養三請乃

允賜大紅金獅衣三襲仍

命兼理府事乘傳以行嘉靖丙戌錦衣鎮撫員缺兵部
方難其人會公以事至遂以公名上

詔可之公悉意推鞠多所平反有疑則服念案日夜至
廢食寢伸寃滌濫護善植孱必究竟其顛末曲盡其方
乃已 是歲預修

先帝實錄成晉指揮僉事階明威將軍再贈菊庄公如其官毋封太恭人丁亥以年勞例陞指揮同知階懷遠將軍理刑如故加贈菊庄公如其官毋封太淑人庚寅冬

命管本衛事奉

勅提督京城衛渠公剷除疏濬庶族便之是歲

賜繡春刀大紅飛魚衣三襲及纓帶數事辛卯兵部火延藝工部

上疑兵部官吏故爲之

面命公鈞致所由公知爲吏胥吹爨弗戒非故也疏凡

六上雖

天語丁寧禍福不測而公一秉忠誠無少回易自是凡有疑獄率付推鞠無不仰稱

意旨賜大紅麒麟衣一襲壬辰再奉

勅督捕盜賊戒官校曰毋妄生事端毋傳致人罪違則有刑

上以公提督勤勞晉署都督指揮使復

賜羊酒寶鈔勞之馮御史恩論列一時大臣邪正得失上怒甚疑其有心使爲之者

命公窮詰株連公究問無他據實以聞

上切責至數四公卒無異詞恩得免死乙未冬

上以公督工有勞拜後軍都督府署都督僉事仍管衛
事丙申秋真拜都督僉事時公以病在告

命下八日而公卒矣及子炳陟錦衣指揮使請續

誥封加贈榮祿大夫都督同知先是公母太淑人之卒
也公毀瘠幾殆力疾襄事竟至不起距其生成化庚子
九月十有四日享年五十有七平生耽嗜經史善吟咏
著介菴煮茶聲若干篇不喜靡麗歷官三十餘年囊無
長積室無媵侍與弟檜友愛尤篤訓諸子勤學擇交痛
抑驕靡人有善稱之不置有過終身不言娶張氏繼范

氏皆贈淑人又繼李氏子男二人長卽炳始由壬辰武
舉授錦衣所鎮撫文雅忠亮隱然有社稷功焉娶錦衣
千戶吳公倫女次煒中書舍人登甲辰進士娶錦衣指
揮劉公鯨女女二長適張中丞子楷早卒次適朱中舍
子文孫男三人經紳緒女二人系之詩曰

曷謂國植有固其植式憑式依終罔攸忒公官藩邸
穆其德音載翼

龍飛益殫宿心詔獄是膺克愷克明明清畢辭以洽好
生

恩威在前罔知震怵犯

顏批鱗至于六七

君尊如天知以道事孰忠猶欺孰敬或貳侃侃直節光
干中興寄階象服實樞輿情令子象賢擁

天排孽淵淵其心幼德維烈中翰溫溫光登甲第協武
以文熾昌厥世倬彼郊原都城之東揭此銘詩昭休
無窮

明贈通議大夫都察院右副都御史契玄于公
神道碑銘

道其難言哉真悟性或偏而不周守成法或淺而寡味
炫童矜穉且夕則惟妄而不經嗚呼道其難言矣哉予

近得契玄干公中說讀之而恨知公之晚也公生景泰
戊辰至嘉靖丙戌壽七十有九乃卒又二十年始其子
人中說示予而予亦老矣蓋公聰悟絕人博聞精造發
爲詞章開闔起伏頃刻萬狀而理至密微有倫有脊年
二十七舉於鄉自是棄舉子業求諸六經諸子而神會
其奧雖屢赴會試曾不以失得屑意弘治癸丑授知江
西萬載縣省刑薄斂敦尚禮教將展厥平生以少試其
先天後天之法而竟莫如意遂奉身以靜退處一室究
觀天地萬物儲精毓神養素抱一思以其備垂訓後學
而中說乃成蓋不拘拘於前言而出之膏臆浩乎其不

可禦秩乎其不可紊滾滾乎其不可終窮庶幾有德之
言而非備見淺說者比也公于氏諱鑑字南金彌契玄
子世居金壇曾祖庸二祖寧父盛彌漁隱公碩碩修鬻
畜吐宏暢御下寬整或盜其貨賄匿不言覺亦不深治
也以子湛貴封兵部武選司主事嘉靖改元以

恩詔加服色同子三品丁酉漁隱及公並贈通議大夫
都察院右副都御史毋尹氏封淑人配宜興芮氏累封
太淑人太淑人真慧柔則協德于公公之孝友惇叙義
方之教皆相而成之撫諸妾媵如已視其出如已出年
九十湛以都御史巡撫陝西改督漕河疏乞終養以歸

太淑人色喜然禰養日腴而儉素不踰其舊鄉隣若急
如意賑卹雖昆蟲草木折傷亦憫然動色蓋性稟溫惠
又素所孚化於公者如此晚見諸孫力學諭之曰若亦
知儲福在量乎夫量非止容人云爾如露才矜名皆量
之淺也淺則易及盈則覆胡能久有貯哉爾曹其識之
生正統辛巳卒嘉靖玉運壽至九十有四子男六漑娶
宜興邵氏湛娶同邑高氏繼娶宜興沈氏並贈淑人又
繼娶丹陽賀氏泗娶同邑王氏浚國子生娶同邑范氏
潘娶丹徒吳氏憲國子生娶同邑徐氏女二長適馮庭
次適接察副使王臬封安人孫男五梁國子生業貢士

宋國子生協東孫女七曾孫男五灵官生真奕一未名
曾孫女三契玄公之卒也葬縣城北東村之原通政余
公沐銘其墓太淑人卒憲副王公臬狀其行湛將以甲
辰月日啓窆東村奉太淑人合葬焉念贈秩三品
制得樹碑神道乃撰書幣以公所爲中說弁誌若狀授
其弟憲來留都請予文通政予契文而憲副嘗守吾郡
雅相知其言皆足信也而都憲直節長才懋聞海內固
謂必有自焉乃公以精詣弘畜紹聞先哲而不自表見
天下蓋鮮克知之予於公生猶前世而不及見見其書
又晚也爲之動千古之慨昭揭墓道以永系瞻思其何

能已銘曰

民何以生維天降衷堯舜執之以懋厥功譬彼雨暘
燠寒以風維節而適生生是庸極備極無乃罔不凶
大哉中乎統天無終孰執其玄有嘉于公澡淪精神
恢豁心膺匪我嗜覺敷言發蒙指掌乾坤萬殊一通
溫溫淑人孝慈有容榮及期愼遵維素風宜爾賢衛
夙秉清忠過庭攸聞以弘乃恭勤慎修齊闔門肅雍
亦有餘慶子孫其逢時遠道行在後猶躬身沒言大
百世其宗

明故中順大夫福建按察司副使封通議大夫

都察院右副都御史陸公神道碑銘

有虞氏之後封于涿鹿者爲陸氏後徙嘉興至唐宣公
六世孫忻徙山陰忻五世孫佃爲宋太師而佃之伯况
秘再傳五世曰升之徙於慈溪其始居勤則升之孫元
也元生義徽其家聲而望于勤義生虞贈刑部尚書爲
公高祖曾祖應祥尚書康僖公伯父也購地于郭南族
葬上者祖琪尚義聯族康僖幼喪實掖而成之父坑以
公貴贈監察御史後以孫鈞貴贈都察院右副都御史
母錢氏贈孺人進淑人公諱備字君美別號碧洲官至
監察御史封都察院右副都御史從其子鈞之貴也配

楊氏封孺人進淑人公韶年力學稍長名冠郡庠始淑人之在室也父太宰碧川先生察有殊質難其儷獨器異公字之弘治壬子舉于鄉癸丑第進士例得歸省時太倉姜公昂守郡詢利弊公在里甲徭賦不均必也下田均派則貧富皆適姜歎服請於當道而通行諸郡至於今使之丙辰授監察御史照刷廣東文卷諸司案牘丘累躬自稽覈凡塩貨乾沒胥史冒署荒遐廩倉出納無章悉按汰糾正之僚吏懼懾焉庚申巡按福建審閱時弊布條格括諸物料民庸準之丁田以疎民困古田城圯節縮糧價興築之識軍吏高中盧榮葺拔之散地

遂靖海徼辛丑大比經書釐革皆有法得雋爲多甲子
巡按山東復當汰試精允如閩名稱籍甚平估孔廟物
料得羨銀數萬以充別費檢括丁銀蠲濫溢三之二議
諸聞聞劇裁損夫役七千名有奇尤精律例而裁以公
恕讞疑紓屈不可殫紀正德丙寅陞福建按察司副使
巡視海道屬洋寇繹騷迺演水戰火攻之汰阻繫之而
又什伍海艘程其出入設賞格嚴保甲海堞悉寧已而
汀漳山獠潮煽惠贛諸郡大肆劫殺其勢張甚當路推
公才武事一屬之至則築三堡布伏設奇偵賊半至伏
兵起衝決其先後而各哨分批夾擣賊遂潰遁捷

聞有金幣之賜闔人德公勒石月港以識不忘戊辰致
任歸葺祖塋構享堂置祀田碣而記之歲時必祭祭則
燕皆定有儀式公性嚴毅方正狀貌瓌碩無戲言無僂
容望而知爲德福人也平生視天下事皆分內而議論
必窺利害據顛末疊疊聽者忘倦提學憲副蔡虛齋
以精易義聞公與辨論洞徹精蘊蔡爲驚服不交釋老
不惑於風水陰陽之說毅然自信作範鄉俗守巡行部
每見咨詢公爲陳利害且悉若增東湖之堤加它山堰
石皆費省而利廣蓋經濟之略歛而惠一鄉者類如此
夙有至性葬父躬負土毋喪擗踊幾頃兄佾嬰疾禮祀

辰祈減年以益其壽與見簡菴合巹四十餘年怡怡無
間言感猫相乳之祥西涯李文正公爲賦其事以傳配
楊淑人溫淳正靜淑德天至而儀範幼成于歸浹舅
氏沒執喪以禮事其姑諗燠寒調滋味躬親不懈公與
簡菴同居事無細大一受成於簡菴內政亦然故淑人
訓其長婦曰吾平生家事實勸我伯妣汝爲冢婦視往
事而可儉素不喜靡麗績紵之勤老猶不廢閒靜寡言
笑雖妯娌滿堂于于爲歡而獨歛衽自如焉公誨課諸
子嚴而有法度淑人克佐成之公生于天順丁丑十二
月二日卒嘉靖庚子三月十九日享年八十有四淑人

先公一歲卒壽八十矣德福借茂爲鄉邦所欽艷云子
五長鉢早卒次卽鈞以都御史巡撫畿甸兼提督紫荆
諸關次鑽次銓廣東布政司布政使次鈇舉進士第二
授翰林院編修忤宰執調湖廣按察司僉事陞山東按
察司提學副使先公卒女一適我從父弟邦言孫男七
浚領鄉薦治沾浹浩溫潤曾孫四棐槩渠繁孫女曾孫
女各二公卒之歲九月九日偕淑人合葬于槐源鄉太
子少保漁石唐公據陳憲副半湖先生所爲狀銘公墓
鈞等以公封秩三品

制得樹碑神道馳書京師屬予以文予昔甫髫年輒讀

公訓獎今老矣猶祗服不敢忘而都憲昆弟辱知愛爲
尤深謹序而銘之銘曰

遙遙舜肯再振吾浙特維宣公忠猷允烈三徙入鄞
康儀乃興於赫家聲我公式承莊容偉貌山大時行
朝端簪筆儼矣儀刑攬轡慨然粵閩齊魯以激以揚
孰茹孰吐泰茅斯征妬瓜爰腐鯨海波恬功名日崇
道直多忤飄然甬東如雲既合加之蘊隆天故釀之
以需無窮淑媛作合敦仁靖恭宜家啓後實贊自中
偕躋孝孝萬福于同何彼洋洋西來鏡水滙于月湖
其波瀾瀾鍾美協祥言觀諸子令德令望兄弟偕止

公厚厥儲駿發于此

明故吏部文選司郎中致仕贈通議大夫詹事
府詹事兼翰林院侍講學士黃公神道碑銘
公之葬在台之委羽山之陽厥考文毅公墓左國子祭
酒謝文肅公既爲銘

今天子踐阼公子縮與議大禮被

知遇嘉靖丁亥夫典成推

恩贈公詹事府詹事兼翰林院侍講學士制得柩碑神
道已而縮由官詹改少宗伯于南京具狀以碑銘見屬
邦奇始在翰林辱少宗伯以道誼相劇切聞公平生熟

甚每歎公仗與年皆不滿其德乃竟委慶厥子以大器
於今日豈非天道碑而銘之宜也公姓黃氏諱備字汝
修初號文齋後更方麓楚春申君之裔漢定侯大綱居
光州固始五胡之亂徙閩晉安唐應義公岸遷莆陽八
世孫昭武鎮都監緒遷黃巖洞山俗所呼洞黃者始此
自都監至公十七世世修儒業高祖與莊以上三世同
居至是始分采推其好田廬群從而歸已荒陋鄉人義
之曾祖諱尚斌剛嚴好古讀史至奸臣賊子必掩卷罵
至里中爲不道揜覆之不言凡鄉之權量皆準焉祖諱
彥俊第進士兵部職方主事孝友天至而才操卓然爲

時所重文請孔昭第進士歷官南京工部右侍郎今贈
禮部尚書謚文毅名德重當世母蔡氏封淑人公生而
簡重又台多名士如士賢陳公愚得謝公暨其從子文
肅公皆文毅厚友也故公入奉庭訓出游鄉先生之門
德器夙成而益自淬礪委身於學成化丁酉領鄉薦有
司例贖不受有被誣坐重辟者八人爲白其寃釋之以
數百金謝桓曰吾舉義也柰何以利終乎舉辛丑進士
初命職方主事改武選清武職貼黃日與宦者共事顧
不能爲骯髒時時相齟齬遂稱疾歸數歲改工部營繕
主事權稅荊州便道省視于留都旬餘文毅公卒獲歸

欽歸視人謂孝慈所感服闋補車駕主事親王之國車
船費數十萬時府屬與中官互爲奸弊莫敢詰公究
極本末裁損大半召車船戶給之質劑令往復納質以
驗冒濫悉切齒不類文選缺員時復以文毅嘗九年爲
郎後生無儷者号治之習宜在其子冢宰耿公特奏改
文選主事歷員外郎中奮曰先公居是官也以天下人
材爲己責某敢忘先志耶咨詢必審取舍必公如其材
雖孤微必舉如其非材雖貴勢請託一不以綴意已未
以內艱去比免喪補稽勲郎中尋復爲文選時當道群
公或市肆視銓曹至以術互相籠結而圖售其私申貴

人時時寄膏臆至欲排忠直快私憤公每事力梏忌者
益不能堪而一時士流轉相視效設機械狼心而狐面
以能相傾奪爲雄傑公每歎曰

國家百餘年淳風乃遂至是乎日鬱鬱不樂遂以成疾
慨然曰二十年夙心今茲決矣即上疏致仕蓋正德初
年縉紳之禍醜醜有端而公逆見之君子謂公於是乎
智家居惟杜門閱書課子姓正德元年三月十五日終
于正寢距生景泰庚子十一月十一日年五十有七公
體貌豐碩動止莊嚴無惰容無妄語無苟笑望之凜然
不可犯而忠厚質直不少見崖岸臧否取分而淵納藪

藏不輕議擬不能欺人亦未嘗迎人欺也配鮑氏封太
淑人慈嚴勤勵家政斬斬兀柝先業置室廬以庇其家
之人皆中贊力云子男五紹繹紹約紉孫男十四承芳
承文承箕承孝承廉承武承德承仁承祐天承言承翰
承遜天承敬承禮孫女九婿適王容始適高洵嬋適施
坦婦適余謹媿適應本曾孫男二銘曰

侃侃文毅視官如家典選十載德音不瑕遺跡坦然
有踵斯謬爰求箕裘維公克肖克肖者德時匪厥先
我慮惟一人謀百千宵燿野憐恨瓊闕恠時所競趨
維予大戒有介如石炳幾煌煌迺完我璧於先有光

洞山翕舌大海輪精黃世十七珠璧繩繩孰闕公施
匯于賢嗣矢心盡忠佐

明天子如海積深澤潤無旣刻詩等碑以詔來世

明故昭勇將軍定海衛指揮使李君神道碑銘
君李姓諱怡字思敬別號直齋系出保定府清苑縣洪
武初諱英志以燕山護衛千戶贈昭勇將軍子全陞指
揮僉事封明威將軍陣亡無嗣弟凱繼襲浙江都司都
指揮同知調征交趾死之贈鎮國將軍子綱陞杭州前
衛指揮使封昭勇將軍止統間調定海視衛篆因家焉
綱生濟仍視篆濟生瑄把總僭倭配淑人劉氏生君燾

達敢爲不肯沒沒居人下未冠失怙繼母姚淑人歎曰
見幼且非我出當如末路何返而依其昆弟于杭城君
不能違則摧痛自責橐膳之饋無虛月間抵杭迎請不
肯行久之復請致極懇悃繼以泣弟姚感悟遂奉以來
大夫士嘉之爲回祥錄以贈巡按王侍御推把總備倭
正德癸酉姚源寇作境接三衢王乃檄君提兵剽禦由
開化抵雙溪所過肅然民不知有兵賊旣殲論功受金
繒鞍馬之賞筆篆十餘年修城垣補卒伍飭器械建公
署百廢具新暇則親儒術修衛誌尊賢求士久而不衰
才名日益起巡按潘侍御以都指揮薦雖未果用而諸

當道咸器異之嘉靖癸未倭奴來貢艤舶鄞城之東忽
其黨自相讎殺遂逞厥恣暴戕我元元君時以定海當
倭奴出入之衝惟慎固以待而倭奴知不可爲棄其資
斧鳥鼠潰竄若每以郡城諸司倉卒無備禦弗克盡殲
其衆恒憤不能平而郡人涵涵言倭奴當復來丁亥之
歲謀報遙見海上有大舶數十艘出沒島嶼間若倭夷
之狀君奮然率部伍整劍槩擄礮伏耀威於城上夜卽
檣宿侍者彈燭晝誤觸礮藥火猝發如電君慮燬堂篆
急起抱持而燦爛已蕪體矣昇歸病甚信宿而卒五月
七日也距其生成化壬寅十二月初九日年四十有六

鎮巡藩臬諸公哀其志命有司優給殮具巡海傳憲副
自撰誌詞命儒學官奠於其家君娶奉化宋氏兵部侍
郎某之孫女子二長全襲職甫弱冠以才行聞屢爲上
司所褒獎娶鄞縣丘氏句容丞金之女次鑿幼未娶女
福禎適同衛指揮使劉隆孫女如璋尚幼全營屯于城
西虹橋村祖隴之陽上嘉靖辛卯十一月二十二日葬
謂予聯姻句容雅知君奉定海儒學會教諭柩所爲狀
請予銘將碑於神道以昭不朽予觀今之人大憙臨前
不少見忿厲緝緝歛手祗爲自全計者天下不少若李
君負其才思以自見久矣一旦有聞輒亟怒溢發爲先

事之備雖不幸死於非意弗獲展厥蘊然其志則烈矣
銘曰

蛟門吐納東大洋諸夷海外遙相望

聖人御宇波不揚武士縶甲卧邊疆
廳偶發齊蒼黃蒿目明山思才莊
李侯晚此音激昂撫劍直欲清扶
桑出師未捷身先亡氣作鯨螯容
陸梁有子桓桓思
曠張如川壑久流斯長海若固護
虹橋揚忠義萬古
存銘章

張文定公靡悔軒集卷之四